

Negara Islam

Asas dan Dasarnya

Asas dan dasar yang utama bagi pendirian kenegaraan di dalam Islam adalah tersimpul di dalam

al-Qur'ān al-Karīm demikian maksudnya:

“Sesungguhnya Tuhan memerintahkan kepada (penyelenggara-penyelenggara agama dari) kamu supaya menunaikan amanah kepada (rakyat yang menjadi) ahlinya; dan apabila (hakim-hakim) melaksanakan hukum di antara manusia, supaya menjatuhkan hukum yang adil. Sesungguhnya amat baiklah pengajaran yang diajarkan Tuhan, sesungguhnya Ia Maha mendengar lagi Maha Mengawasi.

Wahai sekalian orang yang beriman! Taatlah kepada Allah dan taatlah kepada Rasul-Nya, dan kepada Ūlī al-Amr dari antara kamu. Maka jikalau timbul pertentangan faham dalam sesuatu soal di antara (Ūlī al-Amr dari) kamu, maka kembalilah kepada hukum Tuhan dan Rasul-Nya, jika sesungguhnya kamu beriman akan Allah dan hari akhirat. Demikianlah yang lebih baik dan seelok-elok faham yang patut dipegang.”

(57-58, Surah al-Nisā')

(Pati Buah Kalam al-Ustadh Zainal Abidin Ahmad)

Al-Shaykh Muhammad Abduh menerangkan dengan tegas dalam kitab tafsirnya *al-Manār* (juzuk 5): “Kedua-dua ayat ini ialah asas bagi pemerintahan negara Islam. Kalau pun tidak diturunkan Tuhan di dalam Qur'ān akan ayat-ayat yang lainnya, maka cukuplah ayat-ayat yang dua ini menjadi dasar apabila kaum Muslimin hendak mendirikan segala hukum pemerintahan di atasnya.”

Tidak sukar bagi tiap-tiap orang yang membaca ayat yang kita sebutkan di atas untuk mengambil dasar yang utama bagi politik kenegaraan. Dengan tidak payah menggunakan tafsir yang besar dan alim ulama yang ternama

kita mendapat tiga pokok politik yang terpenting

di dalam ayat-ayat itu:

1. Penyelenggara-penyelenggara negara ialah ialah pemegang “amanah” bagi rakyat, dan amanah yang suci itu hendaklah mereka tunaikan dengan sebaik-baiknya kepada rakyat yang menjadi ahlinya.
2. Pemegang badan-badan kehakiman mendapat tugas yang tegas supaya melaksanakan “keadilan” di dalam menjatuhkan hukum di antara manusia.
3. Seluruh rakyat hendaklah memilih wakil-wakilnya yang akan menjadi “Ūlī al-Amr” yang

segala undang-undang dan peraturannya wajib

mereka taati sesudah berlaku taat

kepada hukum Allah dan Rasul-Nya.

Inilah asas dan dasar yang tersimpul di dalam

ayat-ayat di atas, yang menjadi dasar-dasar politik yang utama

bagi negara Islam.

Ada lagi kandungan yang lebih utama dari semuanya

itu. Ayat-ayat yang kita sebutkan itu mengandungi dasar-dasar

negara Islam, iaitu:

Pertama: Amanah yang bertanggungjawab, kejujuran

dan keikhlasan. Dasar ini lebih mendalam daripada

“kemanusiaan yang beradab” dan “kebangsaan yang luhur”,

sebagaimana yang pernah dipakai oleh negara-negara sekarang.

Kedua: Keadilan yang luas bagi sekalian

manusia. Di dalamnya termasuk juga keadilan masyarakat.

Ketiga: Ketuhanan yang Maha Esa, sebagaimana yang

termaktub di dalam perintah “Taatlah kamu kepada Allah dan

taatlah kepada Rasul-Nya.”

Keempat: Kedaulatan rakyat, yang dicantumkan dalam

perintah “*Ūlī al-Amr*”.

Inilah empat dasar yang menjadi asas yang utama

bagi negara Islam. Dan inilah yang menyebabkan Edward

Gibbon (1737-1784) berkata tentang kelengkapan

isi kitab *al-Qur’ān*: Amatlah besar

perbezaan *al-Qur’ān* dari Taurat dan Injil. Taurat

dan Injil tidak ada mengandungi peraturan-peraturan yang

berhubung dengan keduniaan. Yang terdapat di dalamnya hanya cerita-cerita

tentang kesucian diri. Taurat dan Injil tidak dapat

mendekati, apalagi akan menyamai *al-Qur’ān*. *Al-Qur’ān* tidak

hanya mengatur apa yang bersangkutan dengan amal-amal keagamaan,

tetapi juga mengupas asas-asas politik kenegaraan.

Al-Qur’ān-lah yang menjadi punca undang-undang dasar, memberi

keputusan dalam sesuatu perkara yang bertali dengan

kebendaan ataupun yang berhubung dengan rohani.”

1 – Amanah

Dasar “amanah” bagi sesebuah negara

sesungguhnya sangatlah berat tanggungannya. Di dalam pergaulan

hidup hari-hari antara perhubungan seorang dengan

seorang, memegang barang amanah adalah meminta kejujuran

dan keikhlasan bertanggungjawab. Maka begitulah

juga halnya amanah di dalam perhubungan kenegaraan

memerlukan tabiat bangsa yang sungguh kuat dan tahan

uji.

Sudah Terbit

SEJARAH PERAK DAHULU

DAN

SEKARANG

oleh:

Abdullah Hj. Musa (Lubis)

“..... Pelajaran Sejarah ada-lah

satu jenis pelajaran yang mustahak

bagi sa-suatu bangsa yang sedang

menuju kemerdekaan

Lengkap dengan bergambar,

satu2-nya buku Sejarah Tanah Air yang terbaik!

Huruf Rumi:

Sa-naskhah \$2.00 Post 10 sen

Ambil banyak di-beri potongan

Di dalam ayat-ayat penutup dari Surah “al-Aḥzāb” Tuhan menerangkan (ayat 72 dan 73), bahawa sifat amanah itu sudah dikemukakan Tuhan kepada langit, bumi dan gunung-gunung, tetapi tidak ada yang sanggup memikulnya, kerana semuanya itu tidak mempunyai tabiat, budi yang kuat dan kebatinan yang membesi baja bagi menunaikan hanya makhluk manusialah yang menyanggupinya. Tetapi sayang, kata Tuhan, banyak mereka bersifat zalim, atau bersikap pura-pura tidak mahu tahu. Itulah sebabnya, firman Tuhan lebih jauh, amanah itu sangat berguna untuk membezakan orang-orang munafik yang berhati lemah daripada orang Mukmin, lelaki dan perempuan, yang berbatin kuat dan sanggup menjalankan amanah.

Di dalam Surah al-Anfāl, ayat 27, Tuhan berfirman, yang bermaksud: “Janganlah kamu mengkhianati Tuhan dan pesuruh-Nya, dan janganlah kamu pula mengkhianati akan amanah-amanah di antara kamu.”

Kerana luasnya kandungan amanah ini maka ahli-ahli ilmu membahagikan kepada 3 jenis:

1. Amanah terhadap Tuhan, iaitu kewajipan manusia sebagai makhluk untuk mengabdikan kepada Tuhan yang menjadi Khaliknya.

2. Amanah terhadap diri sendiri. Imam al-Fakhr al-Rāzī menjelaskan bahagian yang kedua ini, iaitu kebijaksanaan manusia untuk menjaga amal perbuatan, budi akhlak dan tertib sopan dirinya sendiri sebagai orang perseorangan. sehingga dia tetap memelihara kehormatannya dan dihargai sebagai seorang manusia yang baik.

3. Amanah terhadap sesama manusia, baik sebagai perhubungan seorang dengan seorang, mahupun perhubungan antara seorang dengan masyarakat atau negara,

ataupun perhubungan antara negara dengan negara dan bangsa dengan bangsa,

Dari tiga jenis bahagian di atas, maka bahagian yang akhir, ialah yang jadi mauduk kita di sini. Ada pun amanah sesama manusia dapat pula di bahagi kepada 4 macam:

- a. Amanah pemimpin-pemimpin negara di dalam segala macam jawatan terhadap rakyat yang diperintah.
- b. Amanah kekeluargaan dan kebangsaan, supaya bersama-sama menjaga kehormatan dan nama keluarga atau bangsa itu dan lain-lain sebagainya.
- c. Amanah suami isteri dan persemendaan, misalnya jangan membuka rahsia rumah tangga.
- d. Segala macam amanah antara manusia, baik bersifat perseorangan mahupun untuk masyarakat bersama. Juga yang bersifat kenegaraan: negara dengan negara di dalam siasah, iktisad dan pergaulan.

Anak Ketua Munafik

Munafik, ertinya orang yang bermuka dua. Munafik yang terkenal di dalam sejarah Islam ialah ‘Abd Allāh bin Ubay. Perbuatannya menyebabkan turun beberapa ayat Tuhan, tetapi anaknya Habbāb, bukan munafik bahkan seorang syuhada yang mengorbankan segala-galanya untuk Allah dan Rasul-Nya.

Baca ceritanya dalam Sejarah Syuhada Islam yang kedelapan.

Senaskhah 50 sen pos 10 sen.